

Catarracta. alveo, de qua aquæ magno cum strepitu dejectæ ruunt, luoque objectu impedit quo minus ulterius navigia deferat, quæ si excinderetur, vel canalis circumduceretur, multo longius navigiis in magnum accolarum usum subvehendis par esset. Haud procul à *Sinei* ripa sedet *Bunraty* cui Robertus *Muscegyros* jus mercatus & nundinarum ab Henrico Tertio impetravit, cumque castro munivisset, tandem Regi Edwardo donavit, qui hoc & totam regionem *Clare*. Richardo *Clare*, quem dixi, concessit: & ad septimum inde mill. *Clare* primum conspicitur opidum ad recessum è *Sineo* insulis frequentem, quæ duo sola sunt hic emporiola. Anglorum plurimi qui huc olim in colonias deducti, vel excisi sunt, vel degenerarunt: rerum vero hodie potiuntur ex Hibernica origine *Mac-Nemors*, *Mac-Mahon*, *O Loghton*, & longe potentissimi *O Brieni*, qui à veteribus *Conachtia* Regulis, vel, ut ipsi ferunt, ab Hiberniæ Monarchis prognati. Ex his Murchardus sive *Morogh O Brien* primus erat *Twomondia* Comes ab Henrico Octavo ad vitam creatus sibi & nepoti Donato sive *Donogh*, ut illi vocant, qui eodem tempore factus Baro *Ibarcan*, in Comitatu successit, & à fratre Donello erat occisus. Connogherus *O Brien* Donati filius, tertius erat Comes & pater Donati jam Comitis quarti, qui fidem & fortitudinem Principi, & patriæ egregie probavit.

Comites Twomondia.

COMITATUS
GALLWAY.

Alloway Comitatus ab Austro *Claria* est confinis, ab Occasu Oceano, à Septentrione *Maio* Comitatus, & ab Ortu *Sineo* sive *Shanon* flumini. Terra colono gnavo admodum grata, nec minus pastori. Occiduum littus æstuariolis lancinatum insulis virentibus, & asperis rupibus serie quadam dispositis prætexitur, inter quas insulæ quatuor *Arran* dictæ Baroniam constituunt & fabellis quasi insulæ viventium famigerantur, *Inis-ceath* Colmanni viri sancti monasterio Scotis & Anglis posito olim nota, & *Inis-Bovind* quod è lingua Scotica Albæ vitulæ insulam interpretatur Beda, cum purum sit Britannicum. Sed monasterium cito ab Anglis derelictum cum illi & Scoti male inter se convenirent. Interius lacus *Corbes*, ubi *AVSOBA* fluvii à Ptolemæo statuitur xx plus minus mill. pass. longitudine, iii vel iv latitudine fusus, navigabilis, & tercentum insulis graminosis & piniferis distinctus, qui proxime mare in angustias arctatus *Gallway* subluit, Hibernice *Gallve*, nescio an Gallæcis Hispaniæ nominatam. Hæc urbs est hujus provinciæ facile prima, & quæ tertiis in Hibernia vix accipitribus, & copia mellis abunde dives, *Hibernia*.

Insulæ Arran.

Beda lib. 4. c. 4. Eccl. histor.

Lough Corbes.

Gallway.

quiescit: Elegans sane & solido saxo formæ fere orbiculari constructa, & quasi turrata, sedque Episcopali clara, quæque portus & stationis subjecta, quam dixi, beneficio, mercatoribus frequens diversas opes terræ marisque facili, & quætuoso permiscet commercio. Vix quatuor hinc milliaribus abest *Knoc-toe*, id est, *Collis securium*, sub quo maximam quam ante Hibernia viderat rebellium colluviem à Guilielmo de Burgo, *O Bien*, *Mac Nemare*, & *O Carrall* contractam magna ædita strage fudit & dissipavit Giraldus ille *Kildaria* Comes, qui annos xxxiii per intervalla Hiberniæ præfuit. Ad Ortum haud multum hinc abest *Aterith* (in quo AVTERORVM nominis supersunt vestigia) vulgo *Athenry* magno mœnium ambitu circumdata, sed raris habitatoribus: bellicosum Baronem suum Ioannem de *Bermingham* Anglum in suam laudem rapit, è qua familia Comes de *Louth* erat prognatus; sed *Berminghami* hi *Aterithenses* quasi degeneres in Hibernicam jam barbariem prolapsi se Anglos vix agnoscunt. Insigniores Hibernicorum tribus sunt *O-Kelleis*, *O-Maidin*, *O-Flairtes*, *Mac-Dervis*, &c.

Prælium ad Knoctoe.

1516

Aterith.

Birmingham.

Clan-Ricard, id est, *Filii* vel *Tribus Richardi*, sive *Terra filiorum Richardi*, his est contermina & huic Comitatus accensetur, nomen Hibernico more à Richardo quodam sumpsit ex Anglica familia, de Burgo dicta, quæ postea maximi nominis, & potentiæ in hoc tractu fuit, & è qua *Vlickum* de Burgo Henricus Octavus Comitum *Clan-Ricard* creavit, cujus filius primogenitus titulo Baronis *Inis Kellin* lætatur. Illi natus Richardus Comes Secundus, cujus liberi quos ex variis genuit uxoribus, funestas turbas & patri & patriæ, & sibi ipsis concitarunt: Richardo qui grandævus obiit, successit filius *Vlickus* Comes Tertius, pater Richardi Comitis Quarti, cujus fides firma & singularis fortitudo rebus Anglorum in Hibernia maxime inclinatis magna cum laude eluxit. In hac regione est Archiepiscopalis sedes *Toamensis*, vulgo *Toam*, cui plures olim paruerunt Episcopi: sed *Enactduensis*, *Duaensis*, & *Majensis* huic hodie colligantur: Episcopatus etiam *Kilmacough* qui in antiquo Provinciali, nisi nomen sit corruptum, non memoratur, necnon *Clonsfertensis* hac in parte collocantur, & ut accepi, *Toamensi* Cathedræ conjunguntur.

Toamensis Archiepiscopi. * Anagchony.

COMITATUS
MAIO.

Ajo Comitatus occiduo Oceano pulsatus, Comitatus *Gallway* à meridie, *Roscoman* ab Ortu, & *Slego* ab Aquilone circumscriptus jacet. Regio fertilis & amœna, pecore, damis, accipitribus, & copia mellis abunde dives, *K* nomine